

高上龍煙隱書金玄內文



上清丹景道精隱地八術經卷上

卷五

紫清飛靈八變玉符


隱地八化玄真之術一曰藏影匿形二曰乘虛御空三曰隱輪飛霄四曰出入無五曰飛靈八方六曰解形遁變七曰迴晨轉玄八曰隱地儻天此乃上清金臺玉室秘房妙術藏之玉笈封以金章侍以玉童衛以玉女各八百人太上玉晨高聖君受之於九玄七千年乃傳太極真人東華大神方諸青童扶桑暘谷神王清虛真人告盟于上清裂金以誓身有其文者則隱淪八方有修其術則乘虛駕景口口而授不得妄傳子不示父臣不奉君唯在金簡書名玉篇輕泄祕文殃及七玄身為下鬼充塞河源案如神真秘而奉焉

第一藏形匿影之術當以立春之日平旦入室向東北角上坐思紫雲鬱鬱從東北角上良宮中下覆滿一室暗冥內外良久化為九色之獸狀如驎之形在我眼前因叩齒三十六通而微祝曰

迴元變影映暉幽蘭覆我紫牖藏我金城與

悉混合莫顯我形畢便九咽止開目雲氣豁除便服飛靈玉符修之一年形常隱空有難之日立於良宮之上取本命上土撮以自障案如立春之日祝思悉自覆人不見焉

陽符




陰符



飛靈玉符太極真人所受服之一年與神同軀萬變縱橫形藏玉房其有祕諱不得書文立春之日東向服符微呼八景陰名祝曰天藏地隱二氣合偶良宮玄房可以騰軀名言上清吞咽靈符元使刀兵與我相畢便服符九咽便止

第二乘虛御空之術當以春分之日正中入室東向冥目思碧色之雲鬱鬱如飛輪從東方震宮中下覆滿一室內外晦冥良久青炁化為蒼龍在我左耳上纏繞我身叩齒三十六通而微祝曰

騰玄御輪迴轉八宮坐則同人起則入空覆我碧霄衛我神龍喚顯我形通幽洞冥吞咽九靈永得无窮畢便九咽止開目服符修之二年乘虛駕空有難之日立於震宮上取行年上土撮以自障案如春分之祝思炁自覆人視如炁



飛靈玉符服之三年能乘虛駕展其有祕名不可語人春分之日東向服符微呼八景陰名祝曰

神清玄鈕映流上清太素耀景玉臺檢名乘虛步空上造華庭雲龍幡旗來奉我形畢便

服符又九咽止

第三隱淪飛霄之術當以立夏之日正中入室東南向冥目思赤雲如煙之狀從東南巽宮下來覆滿一室內外晦冥良久赤炁化為玄兔在胃腹之上因叩齒三十六通而微祝

曰玄兔靈飛落告三晨披除鬚鬚通我清津景登雲與炁降紫煙萬靈稽首皆伏我前畢便開目服符又九咽止修之三年隱淪空霄有難之日立於巽宮左取十四炁咽之撮太歲上土以自障案如立夏之祝思炁自覆則與炁同形



飛靈玉符服之三年隱淪玄霄當以立夏之日東南向服符先微呼八景陰名微祝曰

靈飛九天紫暎霞霄服咽八炁吐納六翹神真充內外欲豁消縱形任已適意皇朝畢便服符又九咽止

第四出有入无之術當以夏至之日正中入室南向冥目思赤炁鬱鬱從南方離宮中來覆滿一室內外晦冥良久赤雲化為鳳凰在我頭上因叩齒三十六通而微祝曰

赤霞映玄炁液流通九道之變化為鳳凰投我真府賜我玉漿出自天門入自離宮招致雲駢駕虛乘光畢便九咽止開目服符修之四年能出入无窮有難之日立於離宮左取九炁撮九月建上土以自障案如夏至之祝思赤炁自覆則身為火光



飛靈玉符服之四年運身玄虛出入无當

以夏至之日南向服符先微呼八景名請祝曰八景我方上天之宗御以神虎扶以羽章嘯咤風雲拘制萬靈出幽入虛莫不濟辦便服符九咽止

第五飛靈八方之術者以立秋之日晡時入

室西南向冥目內思白炁鬱鬱如天之霧務從西南上坤宮中來覆滿一室內外暗冥良久白雲化為麒麟對在我前因叩齒三十六通而微祝曰


仰注玄精吞咽黃華身生飛羽輕舉登霞遊宴八宮萬萬不殂畢使九咽止開目服符修之五年能昇八方有難之日立於坤門仰咽三十六炁左取今日辰上土以自障柔如立秋之祝思白炁自覆則身化為靈霧人不見也



飛靈玉符服之五年遊宴八宮出入虛房當以立秋之日西南向服之先微呼八景名諱祝曰  
飛靈紫清化為驕軀上躡玄綱乘空駕虛與我七玄同宴遊遊極天而老終地而休自非金簡莫我于求畢服符又九咽止

第六解形遁變之術當以秋分之日晴時入室西向冥目內思白雲從西方兌宮來覆滿一室暗冥良久白雲化為神虎在我右邊因叩齒三十六通而微祝曰

解形遁變追飛躡浮先謁玉皇退之八嶋分身為萬適意所求俄頃之變八宮已周畢使九咽止開目服符修之六年形化影變縱橫八方任意所之有難之日當立兌宮之中思火氣來燒我身仰咽七氣取丙上土以自障祝如上法則人莫之見



飛靈玉符服之六年解形為萬化身為千當以秋分之日西向服符先微呼八景名諱微祝曰  
玄暎九靈真炁洞微解形散影駭晨駕暎遊時八宮出入紫微畢服符又九咽止  
第七迴晨轉玄之術當以立冬之日子時入


室西北向冥目內思黑雲從西北方上乾宮中來覆滿一室暎冥內外良久黑雲化為騰蛇在我左足下因叩齒三十六通而微祝曰

太陰九玄化為騰蛇迴輪五星運轉七機上宴玄宮八景同輝吞精吐炁永無終衰畢使九咽止開目服符修之七年能迴轉五晨出入無間有難之日當立乾宮之中思黑雲覆我身仰咽二十五炁取天門上土以障其身祝如立冬之文



飛靈玉符服之七年則上宴太清迴化五晨驂龍登虛當以立冬之日西北向服符先微呼八景陰名微祝曰  
靈符七轉品同金章上迴五星下轉七玄八術變景出入無間掌符元籙制御鄧山畢服符又九咽止

第八隱地僻天之術當以冬至之日子時入室北向內思黑雲壘杳相覆從北方坎宮中來下覆滿一室內外暗冥良久化為玄龜在我右足下因叩齒三十六通而微祝曰  
靈符隱方藏地僻天逃已六陰顯身玉輪駱  
龍御煙上造帝晨畢便九咽止開目服符修之八年則登玉清宮有難之日立在坎宮之上思黑雲覆身仰咽二十五炁取地戶上土以自障祝如冬至之文



飛靈玉符服之八年則登玉清任適周旋當以冬至之日北向服符先呼景陰名微祝曰  
八術奇方藏身逃形服符咽氣與真合靈先宴八宮進登玉清七玄放解還更童嬰畢便服符又九咽止  
凡修八術之道未至七日齋戒沐浴燒香至

日入室先誅消魔以制萬靈素法為之修八術呼八景真名及陰諱十六字悉是八宮大王制御真仙都官知其名則學仙志不亂邪不干騰步天網躡五星之精則八景大王監子所為降于真景與炁合并

第一玄昌第二修靈第三飛玄第四耀光第五魔王第六飛倉第七合萌第八通靈凡十六諱又有陰諱在師口中修之一年可得逃身修之二年可以乘虛修之三年可以隱淪修之四年可以入无修之五年可以登八方修之六年解形通變修之七年可以迴玉晨修之八年入地上天長為之者出入帝晨冥駕雲輪遊騰上清高上所撰紫清妙篇子遇其文金簡書名案如玄科七百年傳傳至八人畢加金簡封之五嶽編于名山

其飛靈玉符每至本命日夜半子時北向醮獻跪祝之故如是靈飛六甲同文其文高妙其誓尤深案如玄真白素四十尺紫紋八十八尺金鈿八雙以代列告之盟授者曰師受者弟子違科負誓七祖風刀之考已身為下鬼

五苦八難萬劫不原秘而慎之

九五

九

上清丹景道精隱地八術經卷上